



## FORU DEKRETUA

Nekazaritza Saila  
Mahastizaintza eta Enologia Zerbitzua  
Esp. zk.: 2020/17360

Arabako Lurralde Historikoko Mahastizaintza Erregistroa arautzen duen arautegia ezartzea

Europako Parlamentuko eta Kontseiluko 1308/2013 araudiak (EB), abenduaren 17koak, nekazaritzako produktuen merkatuen antolaketa bateratua sortu eta 922/72. (EEE), 234/79 (EEE), 1037/2001 (EE) eta 1234/2007 (EE) araudiak indargabetzen dituenak, beste sistema bat ezartzen du Europar Batasunean mahasti landaketak kudeatzeko. Sistema hori, baimenetan oinarrituta dago. Horrez gain, araudi hau osatzen dute, alde batetik, Batzordearen 2015/560 araudi delegatuak (EB), abenduaren 15ekoak, Europako Parlamentuaren eta Kontseiluaren 1308/2013 araudia (EB) osatzen duenak, mahasti landaketetarako baimenen araubideari dagokionez, eta bestetik, Batzordearen 2015/561 betearazpen araudiak, 2015eko apirilaren 7koak, Europako Parlamentuaren eta Kontseiluaren 1308/2013 araudiak aplikatzeko xedapenak ezartzen dituenak, mahasti landaketetarako baimen araubideari dagokionez; baita Batzordearen 436/2009 araudiak (EE) ere, Mahastizaintza Erregistroak izan behar duen informazioari dagokionez.

Bestalde, uztailaren 31ko 740/2015 Errege Dekretuak, uztailaren 28ko 772/2017, urriaren 29ko 1338/2018 eta irailaren 20ko 536/2019 errege dekretuek aldatutakoak, mahastiak ekoizteko ahalmena arautzen duenak, erkidegoko araudiak ekartzen duen mahasti landaketaren araubide juridikoa ezartzen du.

Arabako Lurralde Historikoan Mahastizaintza Erregistroa erakunde nagusia da mahastien kudeaketan, eta foru dekretu hauetan arautzen da: 109/1998, abenduaren 15eko Diputatuen Kontseiluarena, eta 51/2002, urriaren 8ko Diputatuen Kontseiluarena. Araudi hori dagoeneko zaharkituta dago, aurretik adierazitako araudian araututako mahastizaintza ahalmena kudeatzeko sistema berria ezarri zenetik bereziki.

Kontuan hartuz Euskal Autonomia Erkidegoko lurralde historikoei buruzko Legearen 7b). artikuluan ezarritakoaren arabera, Arabako Foru Aldundiari dagokiola Arabako Lurralde Historikoan mahastizaintza eta enologiaren arloan garatzea eta gauzatzea, erkidegoko arautegi berrira egokitu behar dira Arabako Foru Aldundiak, tradizioz, mahasti ekoizpenaren ahalmena garatzen zituen xedapenak; baita Arabako Lurralde Historikoko Mahasti Erregistroa kudeatzeko baldintza berezi jakin batzuen ezarpena ere. Izan ere, eraginkorragotzat jotzen da, hobeto ulertu eta aplikatzeko, berariaz indargabetzea gaur egungo araudi, eta beste foru dekretu batean jasotzea Arabako Lurralde Historikoko Mahastizaintza Erregistroaren kudeaketa arautuko duten arauak.

Entzun zaio Arabako Foru Administrazioaren Aholku Batzordeari, eta haren irizpena onartu da.



Aginduzko txostenak ikusi dira, eta haietan oinarriturik, Nekazaritza Saileko foru diputatuak proposatuta eta Foru Gobernu Kontseiluak gaur bertan egindako bilkuran aztertu ondoren, hauxe

## XEDATZEN DUT

Lehenengoa.- Onartzea Arabako Lurralde Historikoko Mahastizaintza Erregistroa kudeatzen duen arautegi arautzailea, foru dekretu honen eranskinean jasotzen diren artikuluen arabera.

Bigarrena.- Foru dekretu honetan ezartzen diren baldintzak, indarrean sartu ondoren hasitako Mahastizaintza Erregistroaren kudeaketetan aplikatuko dira. Indarrean sartu ziren egunean hasita eta amaitu gabe zeuden kudeaketetan, hasi zirenean indarrean zeuden arauak ezarriko dira, burutu arte.

Foru dekretu hau indarrean sartu aurretik hasitako kudeaketak, eta eskatzailearen jardunik ezagatik 7.5. eta 13.5. artikuluetan ezarritako epeak amaituta dutenak, ofizioz indargabetuko dira, artikulua horretan ezarritakoaren arabera. Epe horiek igarotakoan, foru dekretu honetan ezarritako arauen arabera indarrean sartuko dira berriro.

Hirugarrena.- Foru dekretu honen aurka doazen maila bereko edo beheragoko xedapen guztiak indargabetzea, bereziki, honako hauek:

- Diputatuen Kontseiluaren 109/1998 Foru Dekretua, abenduaren 15ekoa, zeinaren bidez onartzen baita zein araudiri egokitu behar zaizkion eragiketak Foru Aldundiaren Mahastizaintza Erregistroko edozein atal guztiz edo partez aldatzea badakarte.
- Diputatuen Kontseiluaren urriaren 8ko 51/2002 Foru Dekretua, Mahastiak landatzeari eta birlandatzeari, mahasti landaketako eskubideen erreserbari eta Arabako Mahastien Erregistroari buruzko arauak ezartzen dituena.

Laugarrena.- Foru dekretu hau ALHAOn argitaratu eta hurrengo egunetik aurrera jarriko da indarrean.

Vitoria-Gasteiz

Ramiro González Vicente  
Diputatu nagusia  
Diputado General

Eduardo Aguinaco López de Suso  
Nekazaritza Saileko foru diputatua  
Diputado Foral de Agricultura

María Asunción Quintana Uriarte  
Nekazaritza zuzendaria  
Directora de Agricultura



## 1. artikulua.- Xedea.

Foru dekretu honen xedea da Mahastien Erregistroaren izaera eta ezaugarriak ezartzea Arabako Lurralde Historikoaren esparruan. Horrez gain, erregistroaren atalak osorik edo zati batean aldatzen dituen edozein ekintza edo kudeaketa, arau eta prozeduretara egokitu beharko da.

## 2. artikulua. Izaera juridikoa eta aplikatzeko araubide juridikoa

2.1 Arabako Lurralde Historikoko Mahastien Erregistroak EBko araudian, eta aplikatzeko diren Estatuko eta autonomiako araudian arlo hori arautzen duen araubide juridikoari jarraituko dio.

2.2. Mahastien Erregistroa, eragin juridiko pribaturik ez duen administrazio erregistroa da. Mahasti bat Mahastien Erregistroan sartzeak ez du aldeztatik aurretik ekartzen bere legezko egoeraren gaineko erabakirik. Legezkotzat hartzeko, mahasti horren titularrek indarreko legediak emandako eskubideak izateaz gain, jurisdikzio zibilak onartuta ere izan beharko ditu.

2.3 Mahastien Erregistroa eratzen den bitartean jasotzen den informazioa, bere antzintasunarengatik ezin bada berariaz egiaztatu eta interesdunek emandakoa bakarrik bada, ez da baliozkotzat hartuko. Horrenbestez, ez du eskubide berezirik ere sortzen; pertsona horiei dagokie datuak egiazkoak direla ziurtatzea, eta hala badagokie, egindako alegazio edo proposatutako aldaketan eta geroago egiten dituzten adierazpen eta eskaeren erantzukizuna.

## 3. artikulua.- Mahastien Erregistroaren edukia

3.1 Mahastien Erregistroak Arabako Lurralde Historikoaren mahasti ahalmenari buruzko informazioa jasotzen du, eta beraz, eguneratuta mantentzeaz gain, fidagarria ere izan behar du. Inskribatuta dauden titularrek, indarrean dauden arauzko xedapenak bete beharko dituzte beti, inskripzioari, haren baja emateari eta eragiten dien erregistroko informazioaren aldaketari dagokienez.

### 3.2 Gutxienez, datu hauek jaso beharko ditu:

- Inskribatutako pertsonaren datu pertsonalak.
- Inskribatutako mahasti lurzatiak, haien jabea ere adieraziz.
- Aplikatzeko araudiaren arabera, aitortutako mahasti azalera.
- Aldaera, txertaka, landaketaren esparruan, erodateko modua (ontzian, landare-sarean eta bestelakoak) eta zer urtetan landatu den.
- Birlandatzeko eskubideak eta baimenak, abian jartzeko eta landatzeko emandako baimenak,



eta alde zurretiko birlanaketak emateagatik, abian jartzeko dituen betebeharrak.

- Inskribatutako nekazaritzako lurzatiaren informazio geografikoko sistemak (SIGPAC) lotuta dauden nekazaritzako ustiatzea, Euskal Autonomia Erkidegoko Ustiatzearen Erregistroa arautzen duen araudian ezarritakoari jarraiki.
- Prozedura judizial edo administrazio prozedura baten barruan hartutako kautelazko neurriak.

3.3. Aurreko 3.2. artikuluan ezarritakoa gorabehera, Mahastien Erregistroak nahitaezko informazioak jasotzeko behar du, Batzordearen 436/2009. Arautegiak (EE), 2009ko maiatzaren 26koak, eta aplikatzekoak diren edo horiek ordezkatzen dituzten Estatuko edo autonomietako gainerako arauak ezarritakoaren arabera.

3.4. Mahatsondoak landatuta dauden azalera bat lantzen duten mahastizain orok Mahastien Erregistroan inskribatuta egon behar dute, erkidegoko edo Estatuko araudiaren arabera. Barne hartzen diren landaketa esperimentalak eta norberak kontsumitzeko direnak. Horrez gain, dagokion izaztearen nekazaritza ustiatzearekin ere lotuta egon behar dute.

3.5. Erregistratzeko ondorioetarako, eta indarreko araudiaren arabera, mahasti lurzatiak erreferentzia alfanumeriko bakarra izango du, eta nekazaritzako lurzatiaren informazio geografikoko sistemako (SIGPAC) esparru oso batek, edo esparru baten edo batzuen zati batek osatuko dute.

#### 4. artikulua. Informazioa eguneratzea

4.1 Mahastien Erregistroa, bere helburuak betetze aldera, informazio fidagarriarekin egon dadin, mahastien titularrek erregistroan jasotzen den informazioa eguneratuta mantendu behar dute.

4.2 Halaber, AFaren Mahastizaintza eta Enologia Zerbitzuak etengabe eguneratuko du bere informazioa, interesdunek eskatutako aldaketak barne. Bestalde, aldizka ere eguneratuko du, beharrezkoak diren eta indarreko araudiak ezartzen duen ekoizte ahalmenari buruzko kontrolen bidez.

Kontrol horiek administrazioak berak egin ditzake, lursailean, mahastien lurzatiak zuzenean aztertuz.

Mahastizainek, kontrolatuko dituztela esaten badiete, teknikariak lana erraztu behar dute esparruko ikuskapenetan. Horrez gain, beharrezko agiriak eman behar dizkiete, erregistratutako datuak fidagarriak direla egiazta ditzaten.

4.3 Kontrolatzen emaitzak dagokion erregistroa zuzentzea ekarriko du, alde zurretik titularrari entzunda, eta indarreko araudiaren arabera aurkitzen diren irregulartasunak direla eta, dagokion zehapenak aplikatu ahal izango ditu.

#### 5. artikulua.- Esparru bat gai izatea landaketa egiteko

5.1.- SIGPAC sistemako esparru batean edo batzuetan mahasti bat landatu ahal izateko, esparru horiek landaketa hori egiteko gai direla ziurtatu behar du eskatzaileak.

5.2.- Aurreko atalean ezarritakoa betetzeko, arau hauek aplikatuko dira:

a.- Azalera, fisikoki mahastia landatzeko gai dela hartuko da, egiterakoan, bai SIGPAC erabilera, bai



benetako erabilera, nekazaritzakoak badira. Salbuespen kasuetan beste erabilera batzuk onartuko dira benetako erabilera fisikoa nekazaritzakoa dela egiaztatzen bada.

b.- Landatzeko esparruaren SIGPAC erabilera basogintza, zuhaixka larrea, zuhaitz larrea edo larrea bada, eskaeraren batera, AFAko Mendi Zerbitzuak emandako baimena ere aurkeztea eskatuko da. Hor, azalerak eta luberritzearen baldintzak ezarriko dira.

c.- Mahastia landatzeko baimenak ematean, aplikatzekoa den mahastizaintza araudia kontuan hartuko da. Dena den, aplikatzekoa den beste araudiak ere nahitaez bete beharko ditu, bai hirigintza arlokoa, bai ingurumen, errepide, landare osasun, paisaia mantentze edo bestelako arloetakoa. Eskatzaileak nahitaez bete beharko ditu, eta landatzeko baimena emateak ez du ekartzen beteko dituela egiaztatzen duenik.

d.- Jadantik mahatsondoak landatuta badaude, ezingo da eskuratu mahatsondoak berriro landatzeko baimenik.

#### 6. artikulua.- Abian jartzeko baimena

6.1. Mahasti azalera bat abian jarri baino lehen, baimena eskatu beharko da AFAko Mahastizaintza eta Enologia Zerbitzuan, gauzatu nahi den mahastizaintza kanpaina amaitu aurretik.

6.2. Eskatzaileak bere izenean inskribatuta izan beharko du lurzatia Arabako Lurralde Historikoko Mahastien Erregistroan.

6.3. Eskatzailea lurzatiaren jabea ez bada, jabearen baimena izan beharko du, edo abian jartzeko baimena egiaztatzen duten agiriak, horiek ez direla beharrezkoak egoki justifikatzen ez badu salbu.

6.4 Abian jartzeko baimena ebazteko eta jakinarazteko gehieneko epea hiru hilabetekoa izango da eskaera konplexu eta zuzen bat onartzen denetik.

#### 7. artikulua.- Administrazioak abian jartzeko baimena ebaztea

7.1 Abian jartzeko baimena emandakoan, titularrak gauzatu beharko du, eta gauzatu duela jakinarazi beharko dio Mahastizaintza eta Enologia Zerbitzuari, eskatu duen kanpainaren uztailearen 31 baino lehen. Abian jarrizko mahasti azalera egiaztatuta, administrazioak abian jartzeko ebazpena emango du, baliozkotzat hartutako azalerari dagokionez. Horrek, gerora, landatzeko baimena ekarri ahalko du.

7.2 Ezingo da barne hartu abian jartzeko ebazpenean zuloz edo hutsunez betetako azalera, mahastiaren azaleraren % 20 baino handiagoa bada. Artikulu honen ondorioetarako, mahastizat hartuko da mahastizain berak landatutako lursail azalera jarraitua, eta urte berean aldi berean landatutakoa. Zuloz betetako azalera mahastiaren azalera baino % 20 txikiagoa bada, mahasti azalertzat hartuko da osorik.

Aipatutako azalera neurtzeko, dagokion mahastiaren landaketa esparrua eta tolerantzia teknikoa kontuan hartuko dira.

7.3. Abian jartzeko ebazpena jakinarazteko eta ebazteko gehieneko epea 3 hilabetekoa izango da abian jartzeko jakinarazpena egiten denetik.



7.4 Mahastizaintza eta Enologia Zerbitzuak eskaerak osorik edo zati batean aintzat hartzeko arrazoiak jakinarazi beharko dizkie eskatzaileei, eta zer errekurtso aurkez dezaketen ere adieraziko die.

7.5 Abian jartzeko jakinarazpena ez badute egiten, indarreko araudiak ezarritakoaren arabera zehapena jarriko zaie. Behin baimenduta, ez badute gauzatzen, eskaerari automatikoki baja emango zaio, baimena egin zen mahastizaintza kanpaina amaitu eta hiru hilabeteko apean.

## 8. artikulua.- Birlandatzeko baimena

8.1 Birlandatu nahi bada, baimena eskatu beharko da alde aurretik. Baimena eskatu behar duen titularrak Mahastizaintza eta Enologia Zerbitzuari aurkeztu beharko dio, abian jartzeko ebazpena jakinarazi den kanpainaren hurrengo bigarren kanpaina amaitu baino lehen. Epe hori igarotakoan, birlandatzeko baimena ez badu eskatu, eskatzeko baimena galduko du.

8.2 Abian jartzeko eskaera alde aurretik egin gabe mahastia abian jarri badu, birlandatzeko baimena eskatzen badu, bakarrik emango zaio baimena mahastizainak, birlandatzeko eskaeraren aurreko bi kanpainetan ezarritako epean abian jarri zela eta abian jartzeko eskatutako gainerako baldintzak betetzen zituela egiaztatzen badio Mahastizaintza Zerbitzuari. Bestela, zehapena jarriko zaio, aplikatzeko arautegiak ezarritakoaren arabera.

8.3 Birlandaketa gauzatuta, interesdunak Mahastizaintza eta Enologia Zerbitzuari jakinarazi beharko dio, betiere administrazio baimenaren baliozkotasuna iraungi aurretik. Egun horren ondoren jakinarazten badu, landaketa balio epearen barruan egin duela egiaztatu beharko du titularrak. Bestela, arauz kanpoko mahastizaintza hartuko da.

8.4 Emandako baimenek hiru urteko balioa izango dute, baimena emateko jakinarazpena jakinarazten den egunetik aurrera. Nolanahi ere, balio denbora, gehienez, 2030eko abenduaren 31 arte izango da.

8.5 Birlandatzeko baimenarekin batera 2015eko abenduaren 31 baino lehen sortutako eskubideak bihurtzeko eskaera ere egiten bada, balio denbora bihurtzeko eskubidearen jatorrizkoa izango da, sortu zenean, gehienez, 2023ko abenduaren 31 arte, kontuan hartuz eskubide hori bihurtzeko eskaera 2020ko abenduaren 31 baino lehen egin behar dela beti. Bestela, balioa galduko dute.

8.6 Eskatzaileak baimena eskatzen duen nekazaritzako azalera osoa izan beharko du eskura, hau da, jabetzaren edo lur jabetzaren bestelako araubidearen (hala nola gozamina, errentamendua, apartzeria edo eskubidearen arabera bestelako modu bat) ehuneko ehun. Eskatzaileak baimena eskatzen duen nekazaritza azalera errentamendu edo apartzeria araubidean badu, jabearen baimena aurkeztu beharko du eskaerarekin batera landaketa egin ahal izateko.

8.7. Landatzeko baimena ebazteko eta jakinarazteko gehieneko epea hiru hilabetekoa izango da eskaera konplexu eta zuzen bat onartzen denetik.

## 9. artikulua.- Aurretiko birlandaketa

9.1. Aurretiko birlandaketa egiteko, baimena eskatu beharko da alde aurretik Mahastizaintza eta Enologia Zerbitzuan. Horrez gain, baimena emanda ere izan beharko da. Eskaeretan, abian jarriko den azalaren tamaina eta berariazko kokapena adierazi beharko dira. Bestalde, baimena eskatzen den birlandatuko den azalera ere adieraziko da.



9.2. Eskaerarekin batera, landatutako mahastia ekoizten hasi aurretik abian jartzeko konpromisoa ere aurkeztuko du. Konpromiso horrekin batera, berme bat ere aurkeztu beharko da banku erakunde baten abal, kauzio aseguru, eskudiruzko sarrera edo bestelako finantza berme baten bidez. Berme hori 45.000 eurokoa izango da hektareako, landaketa berriaren balioa kontuan hartuz, eta 1.800 eurokoa hektareako, abian jarriko den landaketarengatik. Abian jartzeko betebeharra ez badu betetzen adierazitako apean, bermea gauzatuko da.

9.3. Besteak beste 6., 7. eta 8. artikuluetan ezarritako baldintzak bete behar dira birlanaketa egiteko eta abian jartzeko.

9.4. Abian jarriko den mahastiaren, edo aurretiko birlanaketa onduz landatutako mahastiaren inskripzioak Mahastien Erregistroan, ezingo dira aldatu aurretiko birlanaketa ekarri zuen mahastia abian jartzeko konpromisoa bete artean.

9.5. Interesdunak uko egin diezaioke aurretiko birlanaketa baimenari, mahastia landatu arte. Landatzen denean, konpromisoa ukaezina izango da, eta ezarritako epean abian jarri beharko da.

10. artikulua.- Mahasti landaketa berrien eskaerak.

Landaketa berrien baimenatarako prozedura, aplikatzekoa den Estatuko edo autonomiako araudian ezarritakoa izango da. Eskaera horiek urtero aurkeztuko dira Arabako Foru Aldundiaren Mahastizaintza eta Enologia Zerbitzuan, araudi horrek ezartzen duen epean.

11. artikulua. Landatzeko arau teknikoak

11.1. Landaketak Euskal Autonomia Erkidegoan uzten diren barietateekin bakarrik egingo dira.

11.2. Landaketetan erabiltzen diren txertakak legez utziko mintegietatik etorri beharko dira. Hori egiaztatzeko, mintegiak egindako landaketa jakinarazpenaren zigilua erakutsiko da. Hor, landaketa zer egunetan hornitu den ere jasoko da. Zigilu horren bidez, mintegiak bere gain hartzen du hornitutako landarearen ezaugarriek eragiten dioten legedi osoa betetzen duela.

11.3. Behin landaketa jakinarazita, zuloak berritzen badira, ez da landaketatzat hartuko, betiere lehen bi urteetan landareen % 50 ez badu gaintzen, hala aitortutako salbuespen arrazoi bat badago izan ezik.

12. artikulua.- Landaketa inskribatzea eta lurzatiak neurtzea

12.1 Mahastizainak landaketa jakinarazita, eskumeneko teknikariak, egindako landaketa eta eskatutakoa bat datozen egiaztatuko du, edukia, azalera, barietatea eta SIGPAC esparruak aztertuz. Horrez gain, eskatutakoarekin ez badatoz bat, erabilgarri dauden aztertuko du.

12.2 SIGPAC irizpideen arabera neurtutako landaketarako balioztatutako azalera egiaztatua eskatutakoa baino txikiagoa bada, benetan gauzatutakoa balioztatuko da. Mahastizainari egotzi ezin zaion arrazoi bategatik erabili gabeko gainerako baimenak/eskubideak erabilgarri egongo dira berriro, egiaztatu ziren unean sortu izan balira bezala. Azaleraren akatsa mahastizainari egotzi ahal bazaio, zati batean gauzatutakotzat hartuko da, eta landatu gabeko gainerako azaleraren baimenaren iraungitze data bera mantenduko da.

12.3 Kontuan hartu beharreko landatutako mahasti azalera izango da landaketa azalera hutsa, hau da,



mahats orpoek benetan hartutako azalera gehi lanetarako eta makinak mugitzeko utzitako landatu gabeko 5 metroko tartea ertz eta buruetan. Motoa horretako mahasti azalerak SIGPAC esparruko mugarekin edo mahasti lurzatia eratzen duen landatutako azaleraren mugarekin amaitzen direla hartzen da. Hori guztia hurrengo paragrafoan ezarritakoa gorabehera.

12.4 Nekazaritzako lurzati bat ez bada osorik landatzen, mahasti azaleratzat hartuko da mahats orpoek hartutako azalera, gehi kale baten erdia, erabilitako landaketa esparruaren arabera, edo aurreko puntuan adierazitako alboko 5 metroko tartean muga, dagokion landaketarekin jarraitu ahal badu edo ez kontuan hartuz. Geroago landaketa horrekin jarraitzen badu, barne hartutako azalera kontuan hartu beharko da, artikulua hau aplikatuz.

12.5 Teknikoki behar bezala justifikatutako arrazoi agronomikoak direla eta, beste neurri batzuk erabiltzea utziko da, muga eta buruei dagokienez bereziki, mekanizazioa hobetzen badute, edo sakan edo maldetatik hurbil egoteagatik istripu arriskua murrizten badute.

12.6 Egiaztatutako azalera baimendutako azalera baino handiagoa bada, erregularizatu beharko da, modu hauek:

- Gauzatzeko dauden eskubide edota baimenak baditu, gehiegizko mahastia eskubide/baimen horren kontura erregularizatu ahal da, betiere azalera horrek dagozkion administrazio baimenak baditu, erabilgarri badago eta 8. artikuluan ezartzen diren baldintzak betetzen badira.
- Nolanahi ere, soberazko azalera abian jarri egiaztatu daiteke. Horretarako, lau hilabeteko epea emango da arauz kanpo landatutako mahastia dagoela jakinarazten denetik.
- Arauz kanpoko mahastia aurrera jarraitzen duen bitartean ez dago landatzeko beste baimenik emango.
- Ez balioztatzeko arrazoia landatzeko eskubiderik/baimenik falta direla ez bada, baizik eta azalera edo lurzati erabilerarik ez izatea, landatutako mahastia egoera horretan jarraituko du bere egoera legez artatutako arte. Horrela, beharrezkoak diren eskubideak/baimenak erabiltzat hartuko dira, eta aurretik aipatutako 4 hilabeteak igarotakoan, legez kontraktat.

Aurreko egoerak zuzendu ezean, aldeko baldintza guztiak dituen mahastiaren zatia bakarrik inskribatuko da. Gainerakoa, legez kontrako mahastitzat hartuko da.

### 13. artikulua. Mahastien erregistroa aldatzea

13.1 Aldaketatzat hartzen dira Mahastien Erregistroan eragiten dutenak, abian jartzeak edo landaketak ez badituzte ekartzen, hau da, jadanik erregistratuta dauden finketan egindako aldaketa guztiak, titular edo jabetza aldaketarengatik edo akatsak zuzentzeko egindakoak.

13.2 Aldaketa eskaerak noiznahi aurkez daitezke urtean zehar.

13.3 Mahasti baten erregistroko titulartasuna aldatzeko eskaerekin batera, titulartasun hori izateok eskubidea justifikatzen duen nahikoa dokumentazioa aurkeztu beharko da. Halaber, jabearen baimena eskatuko da.





13.4 Mahastizainek edo mahastien jabeek edozein aldaketa jakinarazi behar diote Mahastizaintza eta Enologia Zerbitzuari, bere titulartasunari dagokionez bereziki. Halaber, aurkitzen diren akats guztiak aitortu behar dira, Zerbitzu horrek zuzen ditzan.

13.5 Aurkezteko dokumentazioa falta duten eskaerak, edo interesdunak ekintzak egiteko dituenak, uko egindakotzat hartuko dira eskaera aurkeztu zuenetik gehienez sei hilabete igarotakoan.

#### 14. artikulua. Kontrol planak

Mahastizaintza eta Enologia Zerbitzuak beharrezko kontrol jardunak egingo ditu foru dekretu honetan eta aplikatzekoak diren autonomia, estatu eta europar araudian ezarritakoa betetzen dela egiaztatzeko.

#### 15. artikulua. Arau haustean eta zehapenak

Foru dekretu honetan ezarritako baldintzak urratzen badira, zehapena ezarriko da, aplikatzekoak diren autonomia, estatu eta erkidegoko araudietan ezarritakoaren arabera.